

Zeitschrift: Bündner Schulblatt = Bollettino scolastico grigione = Fegl scolastic
grischun

Herausgeber: Lehrpersonen Graubünden

Band: 70 (2008)

Heft: 2

Rubrik: Pagina Rumanschta

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 14.03.2025

ETH-Bibliothek Zürich, E-Periodica, <https://www.e-periodica.ch>

Temas actuals dalla politica da scola grischuna

MARTIN MATHIUET

Sil sector da scola semova enzatgei il proxim temps! Ina midada suonda l'otra. Per simplificar l'investa schein nus suandar ina survesta:

HarmoS

Priu ch'il temps da referendum scrodi senza ch'enzatgi fetgi diever da quella pusseivladad separticipescha il cantun Grischun – tenor la decisiun dil Cussegl grond ella davosa sessiun – al concordat intercantunal da HarmoS; in project che vul harmonisar la scola populara. Las finamiras principalas ein:

- finamiras dalla savida e mieds d'instrucziun unificai
- structuradas unificadas 8 onns primara, 2 resp. 3 onns sec.1 (entscheiver la scola cun 4 onns, la scolina/scoletta ei part dalla scola primara)
- 2 lungatgs jasters en scola primara (3/5)
- sistem da qualitat (portfolio, tests, monitoring,...)
- organisaziun dil di (temps da bloc, meisa da miezdi, survigilanza...)
- individualisaziun dall'instrucziun

Rev. parziala dalla lescha da scola (Cussegl grond avrel 2008)

- lungatgs (3/5)

La damonda cardinala ei bein tgei lungatg che duei vegnir introducivus ella 3. classa: La regenza propona al Cussegl grond d'introduciv il talian ella tiarza ed igl engles ella 5. classa. Quella proposta savess dar da discutir el Cussegl grond. Per l'instrucziun digl engles ella 5. cl. vul la regenza subvenziunar mo 1 scolast per scola.

- menaders da scola

La regenza preveda era da sustener finanziamein ils purtaders da scola che han introduciv in menader da scola. Quels ston denton ademplir in minimum da cundiziuns e haver absolviv la scolaziun da menader da scola. La regenza rannunzia denton da vuler prescriber «scolas menadas» el Grischun.

Rev. parz. lescha da scola media (Cussegl grond avrel 2008)

- pregimnasi

Suenter las grondas discussiuns sur dil pregimnasi (program da scola 2010) propona la regenza da mantener il pregimnasi. Ella vul denton metter la latta per candidats dalla sisavla classa in bien ton pli ault e far ils examens decisivamein pli pretensius. Leutier duei l'emprema classa dil gimnasi buca saver vegnir repetida ed il scolar ei definitivamein el gimnasi per cu el ei promoviv per la secunda classa.

- midada ella scola media
la midada regulara ellas scolas medias (gimnasi, scola media mercantila e scola media dil fatg (social, pedagogic, sanadad) duei succeder suenter la 2. secundara). Il 3. onn dalla scola superiura duei vegnir dedicaus all'elecziun dalla clamada.
- Scolars che van el gimnasi naven dalla 6. classa ston far in examen per vegnir recepi ella 3. classa dil gimnasi (sco quels che vegnan dalla scola superiura)

«NFA»-GR

(messadi avrel 08, vigur 2010 ?)

Suenter che la confederaziun ha ulivau las finanzas culs cantuns preveda era il cantun da reparter da niev las incumbensas e

rugalar da niev la finanziaziun dils pensums publics cun las vischnaucas. La regenza propona che las vischnaucas sorprendien tut ils cuosts per la scola populara ed il cantun tut ils cuosts per il scalem secundar 2 (scola media, scola professionala e 9avel onn da scola). Quei less dir che las vischnaucas survegnessen neginas subvenziuns pli per la scola populara (tochen igl 8avel onn da scola). Tgei text che va en consultaziun e tgei discussiuns che quel leventa vegn ora gl'avrel!

Revisiun totala dalla lescha da scola (2009)

Per il 2009 quenta il departement d'educaziun da far ina revisiun totala dalla lescha da scola. Finamira primara ei da scaffir la basa legala per saver realisar las pretenziuns da HarmoS.

Sin camp da scola va pia enzatgei il proxim temps. Las discussiuns ei programadas e las condiziuns e consequenzas per part buca previsiblas!

Cudischs digl onn

Era dus cudischs da scola stattan en discussiun sco pli bials cudischs digl onn:

Nr. 23 «Passins»

...ei l'emprema fibla en rumantsch grischun.

Nr. 31 «Vocabulari per la scola primara Rumantsch»

... ei gl'emprem vocabulari per la scola primara en rumantsch grischun.